



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

Domus Æternitatis Damnatae

**Dirckinck, Johann**

**Coloniae Agrippinae, 1713**

26. Gravitas pœnæ damni, damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

## CONSIDERATIO XXVI.

Gravitas pœnæ damni, damnatæ æternitatis.

*Ne projicias me à facie tua. Psal. 50.*

*15. Septembris.*

I. **G**ravitas, atrocitasque pœnæ damni, ex eo patet; quia est privatio boni infiniti, gaudii infiniti, thesauri infiniti, felicitatis & beatitudinis infinitæ. Ac proinde ignis infernalis incendia, quantumvis multiplicata, pœnæ hujus gravitatem non æquabunt. Patet hoc è contrario: nam licet millies, milliesque geminarentur omnia alia paradisi cælestis gaudia & oblectamenta; nullâ tamen ratione æquabunt gaudium illud, quod de Deo, facie ad faciem vultu percipitur.

II. Verùm enim vero, cæcutiens ac debilis intellectus noster, damnum istud non capit: quia remotum est à sensibus nostris. Sicut enim Deus non est bonum, quod nos mente nostrâ complecti queamus; sed bonum omni cogitatione no-

strâ infinitè majus : ita malum amissionis, visionis Dei, non est ejusmodi malum, quod in hac vita mortali concipere possumus; sed est omni cogitatione nostra infinitè majus : est malum cujus, author proximus Deus ipse est : est malum, ut sic dicam, ordinis divini, malum, quod ipse Deus, per modum pœnæ, constituit: *Est & turpium pœna Deus.* S. Bernard. L. 5. de Conf. c. 32. Sicut enim Deus est suprema beatitudo Electorum in cælo : ita est suprema pœna damnatorum in abyfso.

III. Hac de causa dicere non veretur S. Chrystostomus: *Intolerabilis quidem res est gehenna, quis nesciat? est supplicium illud horribile: tamen, si mille aliquis ponat gehennas, nihil tale quid dicturus est, quale est, ablata illius gloria, honore repelli; exosum esse Christo, & audire ab illo, nescio vos.* Hom. 24. in cap. 7. Matth. Quid enim fit in æternum privari bono infinito, omnibusque gaudiis quæ ex ejus possessione sperari possunt; quis unquam dignè apprehendere, aut explicare poterit? *Etenim infinita satius est ful-*

270 *Domus aternitatis. Consideratio  
mina sustinere, quam illam mitem faciem  
nos averfantem videre, & tranquillum  
oculum, in nos respicere, non sufferentem.  
Idem hom. 47. ad pop.*

*Affectus timoris.*

**O** Pœna damni, pœna infinita, pœna  
æterna; pœna summa! quis nisi,  
aut chalybs, aut lapis sit, te non timeat?  
Jacturam equi, timet & deflet colonus;  
jacturam Domûs & bonorum, timet &  
deflet civis; jacturam centum millium  
aureorum, omniumque facultatum sua-  
rum, timet ac deflet nobilis. Et damnum  
infinitum, jacturam summi, æternique  
boni, quis sic reformidat aut deplorat?  
Officium Judicis Leges appellant: *Au-*  
*toritatis formidabile ministerium.* Apud  
Cresold. in myst. quia octo pœnarum  
genera contra reos decernere potest: &  
Deum illum omnipotentem non for-  
midabimus, qui postquam delictis no-  
stris pœnas innumerabiles decrevit; se-  
ipsum quoque facit eorundem suppli-  
cium? *Quis non timebit te Rex Gentium?*  
Jerem. c. 10. 7.

16. Sep

16. Septembris.

**G**Ravitas, acerbitasque hujus pœ-  
næ, ex eo deinde liquet; quòd  
damnati vivacissimè apprehendant, sum-  
mi boni jacturam, quam culpâ suâ in-  
currerunt: non enim uti in hac morta-  
litate contingit, omnia sensibus me-  
tiuntur, & ab illis percepta solùm æsti-  
mant; alia verò, quæ invisibilia sunt,  
non item; sed prorsus modo contrario,  
more falconum, qui oculis velatis, præ-  
dam non cernentes, hærent inamoti; ab-  
latis verò operculis, prædaque conspe-  
ctâ, quanto impetu se vibrant, & vincula  
rumpunt, ut eam assequantur. Sic quo-  
que anima corporis mole pressa, cæca &  
segnis est ad divina, & tanquam ignis  
sub cinere latens: at eâ liberatâ, & expe-  
ditâ, tanquam ignis in cuniculo subter-  
raneo incensus, est in statum violento, &  
strages, ruinasque edit, ut erumpat & suo  
carcere & centro suo se copulet. *O*  
*Deus cordis mei!*

II. Ex his facile colligitur, quantum  
anima, carnis exuviis liberata, dolo-

M S

rem

272 *Domus eternitatis. Consideratio*  
rem experiatur; si à centro suo, à Deo  
suo, ejusque conspectu amabilissimo re-  
pellatur, ac separetur. Si os aliquod extra  
juncturam suam, cruciatum affert inex-  
plicabilem; cogita, quid factura sint ossa  
ducenta & ultrà, quot in corpore nu-  
merantur, luxata & loco suo mota? O  
qualem cruciatum, doloremque pa-  
rient! Et tamen hoc non nisi umbra est  
separationis æternæ, animæ à Deo suo.  
Cum Thomas Morus jam læsæ Majesta-  
tis reus pronuntiatus, captivus à satelliti-  
bus duceretur, Margareta ejus filia, per  
medias turbas & satellitum arma, ad pa-  
rentem penetravit; atque in Patris Cha-  
rissimum collum irruens, arctissimo am-  
plexu aliquamdiu strinxit, nihil aliud ef-  
fata, nisi hoc unum: *Ab mi Pater!* alias  
voces dolor præcluserat. *Et vix sustinuit*  
*dicere lingua vale.* Ovid. ep. 5. O tristis se-  
paratio! Sed

III. Perpende, quàm luctuosa ac la-  
mentabilis sit futura separatio ista, quâ  
anima, tanquam adoptiva Dei filia, ab  
optimo, benignissimoque Patre suo cœ-  
lesti, sejungetur in æternum. O quali  
affe-

affectu dicet *Ah mi Pater!* Filia tua non erit amplius Filia, in ordine ad obedientiam: Pater non erit ultrà Pater in ordine ad dilectionem. *Ah mi Pater!* Pater erit in cælo, & filia tua in inferno, idque in æternum. *Ah mi Pater!* Creatura non erit amplius Creatoris, in ordine ad solatium: Creator non erit amplius creaturæ, in ordine ad protectionem. Creatura odio habebit, detestabitur & execrabitur Deum in æternum, quin ab eo possit recedere. Creator abhorrebit, nauseabit, & abjiciet à se in æternum Creaturam, semper illi tamen manens conjunctus, ad eam cruciandam ac torquendam. *Ah mi Pater! Ah mi Creator!* Tunc fiet illud terribile divortium: tunc stabilietur æterna illa inimicitia, perpetua illa oppositio inter Creatorem & creaturam: *Vos non populus meus, & ego non ero vester.* Osee c. 2.

*Affectus amoris.*

**O** Separatio! ô conjunctio! utraq; sine comparatione dolorifera, quis te non reformidet, quis sibi non caveat, fugiat.

274 *Domus eternitatis. Consideratio*  
fugiaturque peccatum? O triste divor-  
tium! *Ah mi Pater!* non sinas me un-  
quam separari à te. A patre filium, à  
Sponso sponsam, à Domino famulum,  
à Creatore creaturam. *Ah mi Pater!* Non  
permittas, ut inter te & me sit inimicitia,  
aversio, odium, oppositio in Orco sem-  
piterna: sed potius unio & dilectio per-  
petua in cælo: quod ut obtineam; da ut  
hîc sim fundatus semper & radicans in  
Charitate ac gratia, dicamque cum Apo-  
stolo: *Quis nos separabit à Charitate?*  
*An tribulatio, an angustia, an persecutio,*  
*an gladius? Quis nos separabit? An vo-*  
*luptas, an honor, an auri argenti que*  
*pondera? Certus sum, cum gratia tuâ,*  
*quia nec prædicta omnia, nec alia crea-*  
*tura, poterit nos separare à te, in tempore*  
*& æternitate.*

17. *Septembris.*

I. **C**ONSIDERA, cum dolor sit effectus  
divisionis, certum est, quod quan-  
tò arctior est conjunctio, tantò etiam a-  
cerbior sit separatio: cum ergo motus  
animæ in Deum, in quantum hic est su-  
prema



prema felicitas animæ rationalis [ S. Thomas 1. 2. q. 9. a. 4. ] sit motus naturalis, necessario consequens est, ab illo, ad quod toto naturæ suæ pondere & impetu fertur, à contraria vi & pro omni tempore separari, tormentum esse, omni comparatione majus & duplici ratione infinitum, scilicet, & propter bonum, quo privat, quod est divinum; & propter tempus privationis, quod est æternum & infinitum.

II. In simili patet id clariùs. Si tanto mœrore afficiuntur homines, dum jure primogenio spoliantur, ut Esau contigit: quo dolore, quæso, afficientur, qui æterno illo cœlesti jure primogenio, quod nisi peccassent habere poterant, spoliabuntur in æternum? Si mors terribilium omnium terribilissimum dicitur, eò quòd animam separet à corpore, & ab hoc visibili mundo; quantò terribilior erit mors æterna, quæ hominem à Deo suo, à regno cœlesti, & mundo illo felicissimo in perpetuum separat? Michaelis Palæologi Constantinopolitani Imperatoris tempore, Turcæ romanas Græ-

276 *Domus aternitatis. Consideratio*  
corum Provincias, ad amnem usque ve-  
starunt; In ea direptione hoc accidit, ut  
commemoratione, sic & commiseratio-  
ne dignissimum; Sorores duæ adolescen-  
tulæ, cùm diversis Dominis sorte obti-  
gissent, jamque divellendæ essent, ad ul-  
timum vale in mutuo amplexu exspira-  
runt. Si sic afficit separatio Sororis à so-  
rore: quid faciet divulsio perpetua, à bo-  
norum omnium fonte?

III. Cogita si cives Ephesini, tanto  
doloris sensu Paulum abiturientem, &  
vale sibi dicentem, profecuti sunt; ut sa-  
cer textus dicat: *Magnus autem fletus*  
*factus est omnium, & procumbentes super*  
*collum Pauli osculabantur eum.* Act. c.  
38. Et omnes etiam viri flevêre, atque  
in lacrymas ubertim prorupêre, eò quod  
præsentiam Pauli Apostoli ac Doctoris sui  
destituiebantur? Qualis dolor occupa-  
bit animam, quando à Creatore suo, à  
Redemptore & ultimo fine suo æternum  
separabitur, nunquã eum amplius visura?  
*Multi ait S. Chrysostronus, inferni ignem*  
*timent; sed ego maxime amarum dico a-*  
*missionem gloria, & visionis beatifica: nam*  
qui

qui non novimus magnitudinem caelestis boni, non possumus intelligere, quantum sit malum, illo privari. Hom. 47. ad pop.

## Petitio.

**D**omine Deus meus! propter peccata mea merui audire tristissimum illud: *Discede à me maledicte; merui audire: in terra sanctorum, iniqua gessit, non videbit gloriam Dei: sed quia pœnitet me, condonet misericordia tua, quod meruit malitia mea: & ne æternùm projicias me à facie tua amabilissima qui illuminas juventutem meam; ne despicias senectutem meam, Domine non avertas faciem tuam amplius à me; nec declines in ira à servo tuo. Pater misericordiarum, audi ejulatum pupilli tui, porrige manum tuam adjuvicem, ut retrahat me, de lacu miseria & de luto facis: ne peream vidente misericordiâ oculorum tuorum, aspiciente Clementiâ viscerum tuorum; sed evadam ad te, Dominum Deum meum, ut videam divitias regni tui, & intuear faciem tuam semper, & laudem dicam nomini tuo sancto in sæcula. Amen. S. Aug. solil. c. 37.*

CON-